



Las dus damas d'onour cun las dus donnas tg'on cuschino igl bung gianter. (da san.) Seraina Jäger, Monica Dosch, Gilda Jäger ed Oriana Jäger.

Filip Dosch per Jöri Kaufmann

La siertad gudogna cun la ghera an Ucraina veaple muntada, ò detg Martin Bühler, igl manader digl Uffezi da militer e protecziun civila. El ò detg agls tiradours ed agls represchentsants digls cumegn da gio betg sa lascher influenzer perveia dalla polemica pertutgont la protecziun cunter canera, tgi seia permanentamaintg en tema er aint igl Grischun. Martin Bühler ò er detg tg'igl uffizier da teir federal Jöri Kaufmann geia chest onn an pensiun. Successour dad el davainta Filip Dosch da Cunter. Anc vegia la cunsigliera

federala Viola Amherd pero da confirmar la tscherna da Filip Dosch scu nov uffizier da teir federal pigl Grischun.

Tot vo tenor plan

Cunsigliar naziunal Martin Candinas, el tg'è igl president digl comite d'organisaziun dalla Festa da teir federala 2026 aint igl Grischun, ò detg tgi tot geia tenor plan chegl tgi pertotga la planisaziun. I seia sto pussebel da catter persungas pigl comite d'organisaziun da tschep ed er pigls bliers ressorts ins vegia gio catto persungas adattadas. Vers la fegn dalla

stad ins vigna a contactar las 25 uniuns da teir tg'on interess da collaborar tar chella occurrenza cun passa 40 000 tiradours e tiradouras. Reeligias an suprastanza dalla Federaziun grischuna digl sport da teir èn nias Rudolf Schwendeler e Hubert Tomaschett. Per Erika Loretz, ella tg'è stada igls davos onns schefa da finanzas dalla federaziun, è nia eligia Luca Bornhauser. Da chintar ò l'uniun cantunala digls triadours da perder igls proxims onns commembers, chegl cun fusiunar adegna daple societads da teir. Da preschaint ègl anc 105 uniuns.



Per la dretga musica tar l'occurrenza ò procuru la Musica instrumentala Salouf Mon Stierva.

Fotos Gion Nutegn Stgier